

歷代大儒詩鈔卷六

滇西趙州後學谷際岐西阿甫彙鈔

受業諸子 男 麟 全校

邵子一

欽定宋史道學列傳

邵雍字堯夫其先范陽人父古徙衡漳又徙其城雍年三十游河南葬其親伊水上遂為河南人雍少時自雄其才慷慨欲樹功名於書無所不讀始為學即堅苦刻厲寒不爐暑不扇夜不就席者數年已而歎曰昔人尚

歷代大儒詩鈔

卷六

邵子一

一

采蘭堂

友於古而吾獨未及四方於是踰河汾涉淮漢周流齊魯宋鄭之墟久之幡然來歸曰道在是矣遂不復出北海李之才攝其城令聞雍好學嘗造其廬謂曰子亦聞物理性命之學乎雍對曰幸受教乃事之才受河圖洛書宓義八卦六十四卦圖像之才之傳遠有端緒而雍探蹟索隱妙悟神契洞徹蘊奧汪洋浩博多其所自得者及其學益老德益邵玩心高明以觀夫天地之運化陰陽之消長遠而古今世變微而走飛草木之性情深造曲暢庶幾所謂不惑而非依倣象類億則屢中者遂

衍宓義先天之旨著書十餘萬言行於世然世之知其道者鮮矣初至洛蓬華環堵不芘風雨躬樵爨以事父母雖平居屢空而怡然有所甚樂人莫能窺也及執親喪哀毀盡禮富弼司馬光呂公著諸賢退居洛中雅敬雍恒相從游爲市園宅雍歲時耕稼僅給衣食名其居曰安樂窩因自號安樂先生旦則焚香燕坐晡時酌酒三四甌微醺卽止常不及醉也興至輒哦詩自詠春秋時出遊城中風雨常不出出則乘小車一人挽之惟意所適士大夫家識其車音爭相迎候童孺厮隸皆矐相

歷代大儒詩鈔

卷六

邵子一

二

采蘭堂

謂曰吾家先生至也不復稱其姓字或畱信宿乃去好事者別作屋如雍所居以候其至名曰行窩司馬光兄事雍而二人純德尤鄉里所慕嚮父子昆弟每相飭曰毋爲不善恐司馬端明邵先生知士之道洛者有不之公府必之雍雍德氣粹然望之知其賢然不事表襮不設防吟羣居燕笑終日不爲甚異與人言樂道其善而隱其惡有就問學則答之未嘗強以語人人無貴賤少長一接以誠故賢者悅其德不賢者服其化一時洛中人才特盛而忠厚之風聞天下熙寧行新法吏牽迫不

可爲或投劾去雍門生故友居州縣者皆貽書訪雍雍曰此賢者所當盡力之時新法固嚴能寬一分則民受一分賜矣投劾何益耶嘉祐詔求遺逸畱守王拱辰以雍應詔授將作監主簿復舉逸士補潁州團練推官皆固辭乃受命竟稱疾不之官熙寧十年卒年六十七贈祕書省著作郎元祐中賜諡康節雍高明英邁迥出千古而坦夷渾厚不見圭角是以清而不激和而不流人與交久益尊信之河南程顥初侍其父識雍論議終日退而歎曰堯夫內聖外王之學也雍知慮絕人遇事能歷代大儒詩鈔

卷六

邵子一

三

采蘭堂

前知程頤嘗曰其心虛明自能知之當時學者因雍超詣之識務高雍所爲至謂雍有玩世之意又因雍之前知謂雍於凡物聲氣之所感觸輒以其動而推其變焉於是撫世事之已然者皆以雍言先之雍蓋未必然也雍疾病司馬光張載程顥程頤晨夕候之將終共議喪葬事外庭雍皆能聞衆人所言召子伯溫謂曰諸君欲葬我近城地當從先塋爾旣葬顥爲銘墓稱雍之道純一不雜就其所至可謂安且成矣所著書曰皇極經世觀物內外篇漁樵問對詩曰伊川擊壤集子伯溫別有

傳

欽定國子監志宋咸淳三年從祀封新安伯

國學禮樂錄度宗咸淳三年從祀

孔子追封新安伯明嘉靖九年改稱先儒邵子崇禎

十五年改稱先賢進位七十子下

國朝因之康熙三十八年以經世之學有功聖教

詔以裔孫世襲五經博士褒功重道之典曠古所無於

戲至矣

詩

歷代大儒詩鈔 卷六

邵子

四

采蘭堂

謹案邵子擊壤集二十卷載詩三言九首四言

一百四十九首六言五首五古一百七十首七

古三十七首五律二百五首七律四百六十八

首五排七首七排十一首五絕一百五十六首

七絕三百二首不分體總詩一千五百十九首

今鈔八百五十七首

又案讀邵子詩與他

儒不同有極工於為詩者有無意為工而借處

語俗字曉人者渾身是道滿腹皆春總無一理

學及淺俗氣習而人概以此目之誠為兩失今

宜一分別之其聲調工美情辭濃麗不涉理

路者工詩者也其反此則固間將理告人者也

皇祐元年

風輓玉溪騰醉騎花繁石窟漾歌舟相望咫尺仙凡隔

不得同陪三月遊。

和張二少卿丈白菊

清浚曉凝霜。真宜殿顛商。自知能潔白。誰念獨芬芳。豈
爲瓊無艷。還驚雪有香。素英浮玉液。一色混瑤觴。

閒吟四首

今鈔

欲有一瓢樂。曾無二頃田。丹誠未貫日。白髮已華顛。雲
意寒尤浹。松心老益堅。年來疎懶甚。時憶舊林泉。

寄謝三城太守韓子華舍人

洛陽自爲都。二千有餘年。舉步圖籍中。開目今古閒。西

歷代大儒詩鈔

卷六

邵子一

五

采蘭堂

北岌宮殿。東南傾山川。照人伊洛清。迎門嵩少寒。水竹
最佳處。履道之南偏。下有幽人室。一徑通柴關。蓬蒿隱
其居。藜藿品其飧。上親下妻子。厚薄隨其緣。人雖不堪
憂。已亦不改安。閱史悟興亡。探經得根源。有客謂予曰。
子獨不通權。清朝能用才。聖主正求賢。道德與仁義。不
徒爲空言。功業貴及時。何不求美官。上食天子祿。下拯
蒼生殘。通衢張大第。負郭廣良田。朱門爛金紫。青樓繁
管絃。外廡列肥駿。後庭羅纖妍。入則坐虛堂。出則乘華
軒。冠劍何□□。氣體自舒閒。高談天下事。廣坐生晴煙。

人莫敢仰視。屏息候其顏。此所謂男子志可得而觀。又何必自苦。形容若枯鱸。道古人行事。捨前世遺編。而臨水一溝。而愛竹數竿。此所謂匹夫節何足而攀。予敢對客曰。事有難其詮。身非好做縵。口非惡珍羶。豈不知繫匏而固辭。執鞭蓋懼觀。朶頤敢忘賁。邱園深極有層波。峻極有層巔。履之若平地。此非人所艱。貧賤人所苦。富貴人所遷。處之若無事。此誠人所難。進行己之道。退養己之全。既未知易地胡爲乎不堅。敢謂客之說。曾無所取焉。猗嗟乎。玉兮產之於荆山。和氏雖云知。楚國未爲歷代大儒詩鈔

卷六

邵子二

六

采蘭堂

然污隆道屈伸。進退時後先。苟不循此理。玉毀誰之愆。道之未行兮。其命也在天。近日遊三城。薄言尙盤桓。當世之名卿。加等爲之延。或清夜論道。或後池漾船。數夕文酒會。有無涯之歡。十月初寒外。萬葉清霜前。歸來到環堵。竹窗晴醉眠。仰謝君子知。代書成此篇。

高竹八首

今鈔五

高竹臨清溝。軒小亦且幽。光陰雖屬夏。風露已驚秋。月色林閒出。泉聲砌下流。誰知此夜情。邈矣不能收。

高竹已可愛。況在垂楊下。幽人無軒冕。得此自可詫。枉

尺既不能括囊。又何謝賈生若知此。慟哭亦自罷。
高竹碧相倚。自能發餘清。時時微風來。萬葉同一聲。道
汚得夷理。物虛含遠情。堦前閒步人。意思何清平。
高竹如碧幢。翠柳若低蓋。幽人有軒榻。日夜與之對。宇
靜覺神開。景閒喜真會。與其喪吾真。孰若從吾愛。
高竹雜高梧。還驚秋節初。晚涼尤可喜。舊帙亦宜舒。池
閣輕風裏。園林晚景餘。人生有此樂。何必較錙銖。

秋日飲鄭州宋園示管城簿周正叔

二都相去四百里。中有名園屬宋家。古木參天羅劔戟。
歷代大儒詩鈔卷六

邵子一

七

采蘭堂

長籐隨地走龍蛇。我來遊日逢秋杪。君爲開筵對晚花。
飲散竹軒微雨後。凌晨歸路起棲鴉。
重陽日再到共城百源故居

故國逢佳節。登臨但可悲。山川一夢外。風月十年期。白
髮飄新鬢。黃花遶舊籬。鄉人應笑我。晝錦是男兒。

過陝

吾祖道何光。二南分一方。開周爲太保。封陝輔成王。歲
月裝遼邈。山川造渺茫。世孫雖不肖。猶解憶甘棠。

題黃河

誰言爲利多於害。我謂長渾未始清。西至崑崙東至海。其閒多少不平聲。

過潼關

禁密因離亂。機閒爲太平。山河雖設險。道德豈容爭。不究千一義。空傳百二名。遐方久無外。何復用雞鳴。

宿華清宮

天寶初六載。作宮於溫泉。明皇與妃子。自此歲幸焉。紫閣清風裏。崇巒皓月前。奈何雙石甕。香溜尙涓涓。

登朝元閣

歷代大儒詩鈔

卷六

邵子一

八

采蘭堂

繡嶺岌層巒。岩崑十九盤。微微經雨後。杳杳出雲端。往事金輿遠。遺蹤玉像殘。至今臨渭水。依舊見長安。

長安道中作

長安道上何沾巾。古時道行今時人。不知寒暑與朝暮。車輪馬跡常鞦韆。自是此土亦辛苦。雨作泥兮風爲塵。泥塗返復不知數。大雨大風無出門。

題留侯廟

滅項興劉如覆手。絕秦昌漢若更棊。卷舒天下坐籌日。鍛鍊心源辟穀時。黃石公傳皆是用。赤松子伴更何爲。

如君才業求其比。今古相望不記誰。

題淮陰侯廟十首

一身作亂宜從戮。三族全夷似少恩。漢道是時初雜霸。蕭何王佐殆非尊。

據立大功非不智。復貪王爵似專愚。造成四百年災漢。纔得安寧反受誅。

生身既得逢眞主。立事何須作假王。誰謂禍階從此始。不宜回首怨高皇。

一時韓信爲良犬。千古蕭何作霸臣。彼此並十名教罪。

歷代大儒詩鈔

卷六

邵子一

九

采蘭堂

罪猶不逮謂斯人。

韓信事劉元不叛。蕭何惑漢竟生疑。當初若聽蒯通語。高祖功名未可知。

雖則有才兼有智。存亡進退處非眞。五湖依舊煙波在。范蠡無人繼後塵。

若非韓信難除項。不得蕭何莫制韓。天下須知無一手。苟非高祖用蕭難。

漢家基定議功勲。異姓封王有五人。不似淮陰最雄傑。敢教根固又生秦。

韓信恃功前慮寡。漢皇負德尙權安。幽囚必欲擒來斬。
固要加諸甚不難。若履暴榮須暴辱。既經多喜必多憂。功成能讓封王印。
世世長爲列土侯。

鳳州郡樓上書所見

楊柳垂青帶。風動如飛蓋。危樓思不窮。盡日閒相對。鳥
去林自空。雲移山不礙。情隨雙燕還。意與孤鴻會。晚角
時斷續。層崖遞明晦。殘陽掛疎紅。遠水生微瀨。塞目煙
岑密。都城若天外。如何久客心。東望憑欄殺。

歷代大儒詩鈔 卷六

邵子一

十

采蘭堂

春遊五首

五嶺梅花迎臘開。三川正月賞寒梅。相去萬里先一月。
始知春色從南來。何人妙曲傳羌笛。盡日清香落酒杯。
料得天涯未歸客。也應臨此重徘徊。
洛城春色浩無涯。春色城東又復嘉。風力緩搖千樹柳。
水光輕盪半川花。煙晴翡翠飛平岸。日暖鴛鴦下淺沙。
不見君王西幸久。遊人但感鬢空華。
二月方當爛漫時。翠華未幸春無依。綠楊陰裏尋芳遍。
紅杏香中帶醉歸。數片落花蝴蝶趁。一竿斜日流鶯啼。

清樽有酒慈親樂。猶得階前戲綵衣。
人閒佳節唯寒食。天下名園重洛陽。金谷煖橫宮殿碧。
銅駝晴合綺羅光。橋邊楊柳細垂地。花外鞦韆半出牆。
白馬蹄輕草如翦。爛遊於此十年強。
三月牡丹方盛開。鼓聲多處是亭臺。車中遊女自笑語。
樓下看人閒往來。積翠波光搖帳幄。上陽花氣撲樽壘。
西都風氣所宜者。草木空妖誰復哀。

竹庭睡起

竹庭睡起閒隱几。悠悠夏日光景長。鷺方引雛教嫩舌。
歷代大儒詩鈔 卷六 邵子一 十一 采蘭堂
杏正垂實裝輕黃。雨滴幽夢時斷續。風翻遠思還飛揚。
小渠弄水綠陰密。迴首 闕數日強。

秋遊六首

七月芙蓉正爛開。東南園近日徘徊。有時風向池心過。
無限香從水面來。罨畫溪深方誤入。洞庭湖晚未成回。
坐來一霎蕭蕭雨。又送新涼到酒杯。
先秋颯氣已潛生。洛邑方知節候平。庭院乍涼人共喜。
園林經雨氣尤清。回舟伊水風微溜。緩轡天津月正明。
自有臯夔分聖念。好將詩酒樂昇平。

八月光陰未甚淒。松亭竹榭尤爲宜。況當晝夜初停處。正是炎涼得所時。明月入懷如有意。好風迎面似相知。閒人歌詠自怡悅。不管朝廷不採詩。

家住城南水竹涯。乘秋行樂未嘗虧。輕寒氣候我自愛。半醉光陰人莫知。信馬天街微雨後。凭欄僧閣晚晴時。十年美景追尋遍。好向風前摘白髭。

九月風光雖已暮。中州景物未全衰。眼觀秋色千萬里。手把黃花三四枝。美酒易消閒歲月。青銅休照老容儀。若言必使他人信。瀝盡丹誠誰肯知。

歷代大儒詩鈔

卷六

邵子一

三

采蘭堂

霜天寥落思無窮。不奈樓高逼望中。四面溪山徒滿目。九秋宮殿自危空。雲橫遠嶠千尋直。霞亂斜陽數縷紅。無限傷情言不到。共誰開口向西風。

秋日卽事

鳥聲亂。晝林爲誰苦。驅迫蟲聲亂。夜庭爲誰苦。勞役嗟哉彼何短。一槩無休息。借問此何長。兩能忘語默。

和商洛章子厚長官早梅四首

今鈔

羣芳萬品遞相催。若說高標獨有梅。會得東君無別意。爲憐清澹使先開。

和商守宋郎中早梅

山南地似嶺南溫。臘月梅開已浹辰。恥與百花爭俗態。
獨殊羣艷占先春。角中飄去淒於骨。笛裏吹來妙入神。
秀額粧殘黏素粉。畫梁歌煖起輕塵。宰君惜艷獻州牧。
太守分香及野人。手把數枝重疊嗅。忍教芳酒不濡脣。

和商守雪霽對月

雪滿羣山霜滿庭。光寒月碾一輪輕。羈懷殊少曷時樂。
皓彩空多此夜明。竹近簾櫳饒碎影。風涵臺榭有餘清。
恨無好句酬佳景。徒自淒涼夢不成。

歷代大儒詩鈔

卷六

邵子一

三

采蘭堂

和商守雪霽登樓

百尺危樓小雪晴。晚來閒望逼人清。山橫暮靄高還下。
水隔疎林淡復明。天際落霞千萬縷。闕都殘角兩三聲。
此時此景真堪畫。只恐丹青筆未精。

和商守新歲

衰軀在旅逢新歲。因感平生鬢易彫。飲罷襟懷還寂寞。
歡餘情緒卻無聊。望仙風月晴偏好。抹綠簾櫳夜正遙。
對此塊然唯土木。降茲未始不魂銷。

追和王常侍登郡樓望山

四賢當日此盤桓。千百年人尚厚顏。天下有名難避世。
胸中無物漫居山。事觀今古興亡後。道在君臣進退閒。
若蘊奇才必奇用。不然須負一生閒。

題四皓廟四首

強秦失御血橫流。天下求君君不有。正是英雄較

一作角

逐時。未知鹿入何人手。

灞上真人既已翔。四人相顧都無語。徐云天命自有歸。
不若追蹤巢與許。

漢皇傲物終難屈。太子卑辭方肯出。雖老猶能成大功。

歷代大儒詩鈔

卷六

邵子一

十四 采蘭堂

至今高義如星日。

田橫入海猶能得。商至長安百里強。能使四人成美節。
始知高祖是真王。

謝商守宋郎中寄到天柱山戶帖仍依元韻五

首

商於飛到一符新。遂已平生分外親。尤喜紫芝先入手。

西南天柱與天鄰。

初心本欲踐臣鄰。帝里司回斗柄春。今日得居天柱下。

不憂先有夜行人。

不將生殺奏嚴宸。卻抱煙嵐學隱淪。多謝使君虛右席。
重延天柱一山人。

一簇煙嵐鎖亂雲。孤高天柱好棲真。從今便作西歸計。
免向人間更問津。

無成麋鹿久同羣。占籍恩深荷使君。萬古千年名與姓。
得隨天柱數峯存。

遊山三首 今鈔

城邑 又作闔闔 久居心自倦。闔闔纔出眼先明。龍門看盡伊

川景。女几聽殘洛水聲。大室觀餘紅日旭。天壇望罷白

歷代大儒詩鈔 卷六

邵子一

五 采蘭堂

雲生。此身已許陪真侶。不爲錙銖起重輕。

春盡登臨正得宜。人情天氣兩融怡。泛舟伊水風回夜。

垂釣溪門月上時。逸興劇憑詩放肆。病軀惟仰酒扶持。

浮生日月無多子。忍向其閒更斂眉。

二色桃

施朱施粉色俱好。傾國傾城艷不同。疑是藥宮雙姊妹。

一時俱肯嫁春風。

登山臨水吟

山有喬峯水有濤。未能容屐豈容舫。非無仁知斯爲樂。

少有登臨不憚勞。言味止知甘膾炙。語真誰是識瓊瑤。
自慙不盡人才處。長恨今人論太高。

謝富丞相招出仕二首 今鈔

相招多謝不相遺。將謂胸中有所施。若進豈能禁吏責。
既閒安用更名爲。將命云如不欲仕亦可奉致一閒名目願同巢許稱臣
日。甘老唐虞比屋時。滿眼清賢在朝列。病夫無以繫安
危。

答人語名教

開闢而來世教敷。其閒雄者號真儒。修身有道名先覺。

歷代大儒詩鈔 卷六 邵子一 共六 采蘭堂

何代無人達奧區。煥若丹青經史義。明如日月聖人途。

鯁生涵泳雖云久。天下英才敢厚誣。

送王伯初學士赴北京機宜

丈夫志氣蓋棺定。自有雄圖繫重輕。去路不能無感舊。
到官爭忍便忘情。閒時語話貴精密。先事經營在太平。
誰謂禦戎無上策。伐人謀處不須兵。

答人放言

經時不見意何如。重出新詩笑語初。物理悟來添性淡。
天心到後覺情疎。已全孟樂君無限。未識蘧非我有餘。

大率空名如所論。此身甘老在樵漁。

賀人致政

人情大率喜爲官。達士何嘗有所牽。解印本非嫌薄祿。
掛冠殊不爲高年。因通物性興衰理。遂悟天心用舍權。
宜放襟懷在清景。吾鄉況有好林泉。

放言

既得希夷樂。曾無寵辱驚。泥空終日著。齊物到頭爭。忽閒拈筆時。時時自寫名。誰能苦真性情外。更生情。

初秋

歷代大儒詩鈔

卷六

邵子一

十七

采蘭堂

夏去暑猶在。雨餘涼始來。堦前已流水。天外尙驚雷。曲几靜中隱。衡門閉處開。壯心都已矣。何事更裝懷。

傷足

災由無妄得。爲患固非深。乖已攝生理。貽親憂慮心。乍然艱步履。偶爾阻登臨。逾月方能出。難忘樂正箴。

閒行

園圃正蕭然。行吟遶澤邊。風驚初社後。葉墜未霜前。衰草觀斜日。暮雲扶遠天。何當見真象。止可入無言。

月夜

雨霽風自好。秋深天未寒。移牀就堦下。看月出林端。有酒思同飲。無賓可對歡。他時遇良友。此景復求難。

晨起

山高水復深。無計到而今。地盡一時事。天開萬古心。輕煙籠曉閣。微雨散青林。此景雖平澹。人閒何處尋。

遊山二首

洛川多好山。伊川多美竹。遊旣各有時。雖頗無倦目。貪清非傷廉。瀆幽不爲辱。麋鹿不害人心。無害麋鹿。

二室多好峯。三川多好雲。看之不知倦。和氣潛生神。一

歷代大儒詩鈔

卷六

邵子一

六

采蘭堂

慮若動盪。萬事從紛紜。人言無事貴。身爲無事人。

龍門道中作

物理人情自可明。何嘗感感向平生。卷舒在我有成算。用舍隨時無定名。滿目雲山俱是樂。一毫榮辱不須驚。侯門見說深如海。三十年來掉臂行。

名利吟

名利到頭非樂事。風波終久少安流。稍鄰美譽無多取。纔近清歡與賸求。美譽旣多須有患。清歡雖賸且無憂。滔滔天下曾知否。覆轍相尋卒未休。

三十年吟

三十年閒更一世。其閒堪笑復堪愁。天生天殺何嘗盡。人。是。人。非。殊。未。休。善。偶。鴛。鴦。頭。早。白。能。啼。柱。宇。血。先。流。須。知。卻。被。才。為。害。及。至。無。才。又。卻。憂。

遊洛川初出厚載門

初出都門外。西南指洛陬。山川開遠意。天地掛雙眸。村落桑榆晚。田家禾黍秋。民閒有此樂。何必待封侯。

宿壽安西寺

好景信移情。直連毛骨清。為憐多勝槩。尤喜近都城。竹

歷代大儒詩鈔 卷六

邵子一

十九

采蘭堂

色。交。山。色。松。聲。亂。水。聲。豈。辭。終。日。愛。解。榻。傍。虛。楹。

過永濟橋二首 今鈔

山背錦幃開。河臨永濟回。土田平似掌。桑柘大如槐。斜日射虹去。低雲將雨來。無涯負清景。長是愧非才。

至福昌縣作

清景幾人愛。愛之當遠尋。及臨韓嶽近。始見洛川深。縣在雲山腹。民居水竹心。無機類閒物。愈覺少知音。

燕堂卽事

川上數峯青。林閒一水明。閒雲無定體。幽鳥不知名。遊

侶既非約。歸期莫計程。錙銖人世事。休強作威靈。

上寺看南山

疊疊是峯巒。西連梁雍寬。與其行裏看。不若坐中觀。包括經唐漢。并吞歷晉韓。消沉事難問。唯爾尚巒岫。

川上懷舊四首

今鈔

田夫忙治禾。禽閒求魚。二者皆苦食。動靜何相殊。事過見休感。時來知卷舒。回顧此二物。易地還何如。

地迴川原潤。村孤煙水閒。雷輕龍過一作換浦。雲亂雨移。

山田者荷鋤去。漁人背網還。伊子獨霑溼。猶在道途閒。

歷代大儒詩鈔 卷六

邵子一

采蘭堂

燕堂閒坐

天網疎難漏。世網密莫通。我心久不動。一脫二網中。高竹漱清泉。長松迎清風。又云蕭洒松間月清冷竹外風此時逢此景。正

與此心同。

立秋日川上作

富貴固難愛。貧寒易得愁。休將少時態。移作老年羞。既有非常樂。須防不次憂。誰能保終始。長作國公侯。

辨熊耳

昔禹別九州。導洛自熊耳。熊耳自有兩。未審孰為是。東

者近成周。西者隔丹水。書傳稱上洛。斯言得之矣。

牧童

隨行笠與蓑。未始散天和。煖戲荒城側。寒隈古塚阿。數聲牛背笛。一曲隴頭歌。應是無心問。朝廷事若何。

夢中吟

夢中說夢猶能憶。夢覺夢中還又隔。今日恩光空喜歡。當年意愛難尋覓。水成流處豈無聲。花到謝時安有色。過此相逢陌路人。都如元未曾相識。

秋懷三十六首

際岐謹案邵子秋懷詩道妙出以清辭超出文選詠懷詩上

王采蘭堂

歷代大儒詩鈔 卷六

邵子二

七月夜初長。星斗爭煌煌。庭除經小雨。枕簟生微涼。照物無遁形。虛鑑自有光。照事無遁情。虛心自有常。

晴窗日初曛。幽庭雨乍洗。紅蘭靜自披。綠竹閒相倚。榮利若浮雲。情懷沒如水。身非天外人。意從天外起。

明月生海心。涼風起天末。物象自呈露。襟懷驟披豁。悟盡周孔道。解開仁義結。禮法本防姦。豈爲吾曹設。

疎雨滴高梧。微風接弱柳。此景歲歲同。世人自白首。俗慮易縈仍。塵襟難抖擻。浮生已夢中。其閒強爲有。

清湍文鴛鴦。寒潭繡鷓鴣。長天淨如水。不廢秋江碧。男

子一寸心。壯士萬夫敵。菡萏香風中。扁舟會相憶。
昨日思沃漿。今日思去扇。豈止人戈矛。爰涼自交戰。利
害生乎情。好尚存乎見。欲人爲善人。必須自爲善。
甘瓜青如藍。紅桃鮮若血。不忍以手拈。而況用齒齧。其
色已可愛。其味又更絕。食此無珍言。哀哉口與舌。
國命在乎民。民命在乎食。聖人雖復生。斯言固不易。虛
惠豈足尚。教人以姑息。虛名豈足高。教人以緣飾。
周詩云娶妻。周易云歸妹。七夕世俗情。乞巧兒女態。日
暮雲雨過。人謂牛女會。雲雨本無蹤。牛女豈相配。

歷代大儒詩鈔

卷六

邵子一

五

采蘭堂

清風無人兼。自可入吾手。明月無人并。自可入吾牖。中
心旣已平。外物何嘗誘。餘事豈足論。但恐樽無酒。

青蕉葉披敷。碧蘆枝偃亞。風雨蕭蕭天。更漏沈沈夜。彼
物固無嫌。此情又何訝。但念征路人。天涯尚畱掛。

淡煙冪疎林。輕風裊寒雨。日暮人已歸。羣雞猶啄黍。此
心固不動。此事極難處。一言以蔽之。尚恐費言語。

八月爰涼均。氣味亦自好。臨虛喬木低。遠望行人少。有
跡事皆妄。無心物都了。何須更問辛。願君自食蓼。

黃黍秋正熟。黃雞秋正肥。此物劇易致。古人多重之。可

以迓賓友。可以奉親闈。有褐能卒歲。此外何足爲。
稻稂天所生。麩蘖人所製。釀之命爲酒。飲之可成醉。剛
者使之柔。懦者使之毅。善移造物權。其功亦不細。
秋色日漸深。老心日益懶。倦卽下階行。閒來弄書卷。廣
陌多風塵。見說難開眼。侯門已是深。帝闈又復遠。
塞鴻猶未來。梁燕已辭去。雲山千萬重。相逢在何處。岌
業都城門。繚遶長亭路。風土敗人衣。纔新又成故。
斷續蟬聲外。稀疏鴈下前。年光空去也。人事益蕭然。洗
竹畱新筍。翻書得舊編。誰知養心者。肯與世爭權。

歷代大儒詩鈔

卷六

邵子一

五

宋蘭堂

中秋光景好。中洲煙水奇。天重初寒候。人便半醉時。榻
緣明月掃。襟待好風吹。一點胸中事。人間都不知。
良月滿高樓。高樓仍中秋。午夜冷露下。千里寒光流。何
人將此鑑。拂拭新磨休。照破萬古心。白盡萬古頭。
寒露綴衰草。淒風搖晚林。鳥聲上復下。天氣晴還陰。節
改一時事。人懷千古心。誰云子期死。舉世無知音。

風柳散如梳。霜雲淡如掃。高樓破危空。低煙裊寒草。此
際興不盡。何以戰秋老。止可將酒瓶。同向西風倒。
池荷日取敗。籬菊日就榮。其於品彙間。自與節氣爭。盛

衰不同時賢愚難並行安得松桂心四時長青青
人老秋更老山深水復深高木已就脫慧禽空好音筋
骸非曩日道德負初心賴有餘編在時時尚可尋
九月氣乍肅衰柳猶有蟬霜外疎鍾斷風餘清籟傳千
山亂遠目一鶚摩高天自非出世人而敢危行言
飽霜梨多紅久雨榴自罅此果世稱珍厥味是可詫地
有百物備天無一言掛我患尙有言不得同造化

惟南有美橘惟北有美栗厥包或頗同厥味信不一天
地豈無情草木皆有實物本不負人人自負於物

歷代大儒詩鈔

卷六

邵子一

三

采蘭堂

蛺蝶遶寒菊蟋蟀鳴空堦門前有犬臥盡日無客來清
波靜中流白雲閒處堆何以發天和時飲酒一杯
紅葉戰西風黃花笑寒日天道有消長人事無固必靜
勝得遺味夢去知餘失利害不相沿是非然後出
九日登高會尋幽講雅歡俗風追故事天氣薦輕寒白
酒連醅飲黃花帶露觀消沈浮世事何足重沈瀾
山橫暮靄中烏逝孤煙外殘菊憂霜摧幽蘭懼風敗患
難人不喜富貴人所愛我心自不有愛憎豈能賣
水寒潭見心木落山露骨始信天無涯萬里不隔物脫

衣掛扶桑引手探。月窟不負仁義心。區區五十一
草綠露霑衣。草衰風切肌。物情非作異。人意強生疑。歧
動楊朱泣。絲添墨子悲。知之何太晚。徒自淚淋漓。
萬里晴天外。一片霜上月。長松挺青葱。羣卉入消歇。有
齒日益衰。有髮日益脫。獲罪固已多。此心難屑屑。
草枯山川貧。木落天地瘦。土口風大行。雲罅日微漏。既
往不復追。未來尙可救。餘事不忍言。言之必成咎。
飲酒不甚多。數杯醺顏。未醺不可止。既醺勸亦難。誰
云萬物廣。豈出天地關。誰云萬事廣。豈出人情閒。

歷代大儒詩鈔

卷六

邵子一

三五

采蘭堂

和陝令張師柔石柱村詩

君爲陝縣令。我實康公孫。始祖有遺烈。託君訪其存。夫
君有詩來。題云石柱村。石柱之始立。於古無所根。就勒
分陝銘。惟唐人之言。旣歷年所多。首尾無完文。難以從
考。正將焉求其源。我患讀書寡。知識無過人。經書史傳
外。不能破羣昏。從長卿公羊。宜自陝而分。從君陳畢命。
宜成周而云。二者兼取之。於義似或尊。分政東西郊。可
以陝洛論。此說如近之。庶幾緩紛紜。甘棠之蔽芾。石柱
之青新。當時之盛事。予不得而親。二南之正化。二公之

清芬千載之美。談予可得而聞。棄經而任傳。儒者固不遵。作詩以明之。馳此庸報君。

有客吟

伊嵩有客欲無言。進退由來盡俟天。好靜未能忘水石。樂閒非爲學神仙。休嗟紫陌難爲客。且喜清風不用錢。枉尺直尋何必較。此心都大不求全。

小圃逢春

隨分亭欄亦弄妍。不妨閒傍酒壺邊。夜簷靜透花間月。晝戶晴生竹外煙。事到悟來全偶爾。天教閒去豈徒然。歷代大儒詩鈔卷六

邵子一

五

采蘭堂

壺中日月長多少。爛占風光十二年。

暮春吟

春來小圃弄羣芳。誰爲貧居富貴鄉。門外柳陰浮翠潤。堦前花影溜紅光。梁間新燕未調舌。天末歸鴻已著行。自問心源無所有。答云疎懶味偏長。

答客

人間相識幾無數。相識雖多未必知。望我實多全爲道。知予淺處卻因詩。升沈休問百年事。今古都歸一局碁。乘馬須求似騏驥。奈何騏驥未來時。

悟人一言

百慮謀猶拙。一言迷自開。世閒無大事。天下有雄才。唯恐人難得。寧憂道未恢。忌心都去盡。何復病塵埃。

謝人惠筆

愛重寄文房。慙慙謝遠將。兔毫剛且健。筠管直而長。靜錄新詩藁。閒鈔舊藥方。自餘無所用。足以養鋒鋟。

書事吟

天地有常理。日月無遁形。飽食高眠外。率是皆虛名。雖乏伊吕才。不失堯舜氓。何須身作相。然後爲太平。

歷代大儒詩鈔

卷六

邵子一

三

采蘭堂

答人書言

無位立事難。逢時建功易。求全自有毀。舉大須略細。去惡慮傷恩。存惡憂害義。徒有仁者心。殊無仁者意。

答人書

卿相一歲俸。寒儒一生費。人爵固不同。天爵何嘗匱。不有霜與雪。安知松與桂。雖無官自高。豈無道自貴。

閒吟

忽忽閒拈筆。時時樂性靈。何嘗無對景。未始便忘情。句會飄然得。詩因偶爾成。天機難狀處。一點自分明。

閒坐吟

當年計過之。今日事難隨。天命不我祐。雲山聊自怡。無何緣澹薄。遂得造希夷。卻欲嗤真宰。勞勞應不知。

天津幽居

予在洛城裏。況復在天津。曰近先知曉。天低易得春。時光優化國。景物厚幽人。自可辭軒冕。閒中老此身。

天津水聲

洛水近吾廬。潺湲到枕虛。湍驚九秋後。波急五更初。細爲輕風背。毫因驟雨餘。幽人有茲樂。何必待笙竽。

歷代大儒詩鈔

卷六

邵子一

三 采蘭堂

不寐

閒坐更已深。就寢夜尙永。展轉不成寐。卻把前事省。莫枕時昏昏。擁衾還耿耿。西窗明月中。數葉芭蕉影。

繩水吟

有水善平難。善直唯繩能。直不能平。如將繩水合爲一。世上何憂事不明。

辛酸吟

辛酸旣不爲中味。商徵如何是正音。舉世未能分曲直。使誰爲主主心平。

言默吟

當。默。任。言。言。是。垢。當。言。任。默。默。爲。塵。當。言。當。默。都。無。任。
塵。垢。何。由。得。到。身。

閉居迷事六首

今鈔

堂。上。慈。親。八。十。餘。階。前。兒。女。戲。相。呼。旨。甘。取。足。隨。豐。儉。
此。樂。人。閒。更。有。無。
清。歡。少。有。虛。三。日。劇。飲。未。嘗。過。五。分。相。見。心。中。無。別。事。
不。評。興。廢。卽。論。文。

天宮小閣納涼

邵子一

无 采蘭堂

歷代大儒詩鈔

卷六

小。閣。於。吾。大。有。功。清。涼。冠。絕。洛。城。中。自。慚。虛。薄。誠。多。幸。
襟。袖。長。涵。萬。里。風。

天宮幽居卽事

人。苦。天。津。遠。來。須。特。特。來。閒。餘。知。道。泰。靜。久。覺。神。閑。悟。
易。觀。棋。局。談。詩。捻。酒。杯。世。情。千。萬。狀。都。不。與。裝。懷。

遊龍門

江。天。無。少。異。幽。鳥。下。晴。沙。路。去。山。形。斷。川。回。渡。口。斜。龕。
巖。千。萬。穴。店。舍。兩。三。家。清。景。四。時。好。都。城。況。不。賒。

重遊洛川

買石尙饒雲。買山當從水。雲可致無心。水能爲鑑止。性以無心明。情由鑑止已。二者不可失。出彼而入此。

秋日登崇德閣二首

今鈔

一百年來號太平。當初仍患不丁寧。京師尙有漢唐氣。宮闕猶虛霸王形。煙外亂峯纔隱約。霜餘紅樹半彫零。樽前有酒難成醉。旋被西風吹又醒。

秋日飲後晚歸

水竹園林秋更好。忍把芳樽容易倒。重陽已過菊方開。情多不覺年光老。陰雲不動楊柳低。風遞輕寒生暮早。歷代大儒詩鈔卷六

邵子一

三

采蘭堂

無涯逸興不可收。馬蹄慢踏天街草。

後園卽事三首

嘉祐八年今鈔二

太平身老復何憂。景愛家園自在遊。幾樹綠楊陰乍合。數聲幽鳥語方休。竹侵舊徑高低迸。水滿春渠左右流。借問主人何似樂。答云殊不異封侯。

年來得疾號詩狂。每度詩狂必命觴。樂道襟懷忘檢束。任真言語省思量。賓朋欸密過從久。雲水幽閒興味長。始信淵明深意在。北窗當日比羲皇。

觀棋長吟

靜院春深畫掩扉。竹閒閒看客爭棋。搜羅神鬼聚胸臆。
措致山河入範圍。局合龍蛇成陣鬪。劫殘鴻鴈破行飛。
殺多項羽坑秦卒。敗劇符堅畏晉師。座上戈鋌嘗擊搏。
面前冰炭旋更移。死生共抵兩家事。勝負都由一著時。
當路斷無相假借。對人須且強推辭。腹心受害誠堪懼。
唇齒生憂尙可醫。善用中傷爲得策。陰行狡獪謂知機。
請觀今日長安道。易地何嘗不有之。

哭張師柔長官

生平志在立功名。誰謂才難與命爭。絕筆有詩形雅意。

歷代大儒詩鈔

卷六

邵子一

三

采蘭堂

蓋棺無地盡交情。胸中時事何由展。天下人才不復評。
魂若有知宜自慰。子孫大可振家聲。

何事吟寄三城富相公

何事教人用意深。出塵些子索沉吟。施爲欲似千鈞弩。
磨礪當如百鍊金。釣水誤持生殺柄。著棋閒動戰爭心。
一盃酒美聊康濟。林下時時或自斟。

登嵩頂

九州環遶若棋枰。萬歲嵩高看太平。四海有人能統御。
中原何復有交爭。長憂眼見姦雄輩。且願身爲堯舜氓。

五十三年蕪沒事如今方喜看春耕

登封縣宇觀少室

天地始融結。此山已高極。羣峯擁旌幢。巨石羅劔戟。日出崖先紅。雨餘嵐更碧。安知無神仙。其間久遁迹。

山中寄登封令

初離縣日謀經宿。既到山中未忍回。公字若無民事決。願攜茶器上山來。

和祖龍圖見寄

吾家職分是雲山。不見雲山不解顏。遊興亦難拘日限。

歷代大儒詩鈔

卷六

邵子一

三

采蘭堂

夢魂都不到人閒。煙嵐欲極無涯樂。軒冕何嘗有暫閒。洛社交朋屢相約。幾時曾得略躋攀。

偶書

紛紛議論出多門。安得真儒號縉紳。名教一宗長有主。中原萬里豈無人。皇帝霸時雖異禮。樂詩書道自新。觀古事多今可見。不知何者謂經綸。

八日渡洛登南山觀噴玉泉會壽安縣張趙尹

三君同遊

渡洛南觀噴玉泉千峯萬峯遶相連。中間一道長如雪。

飛入寒潭不記年。

九日登壽安縣錦嶺山下宿邑中

二首
鈔一

煙嵐一簇特崔嵬。到此令人心自灰。上有神仙不知姓。洞門閒倚白雲開。

過宜陽城二首

六國區區共事秦。疲於奔命尙難親。如何殺盡半天下。豈是關東沒一人。

當日宜陽號別都。奈何韓國特區區。子房不得宣遺恨。博浪沙中中副車。

歷代大儒詩鈔

卷六

邵子

三

采蘭堂

十六日依韻酬福昌令有寄

道義相歡豈易親。古稱難處是知人。文章不結市朝士。榮辱非關雲水身。話入精詳皆物理。言無形迹盡天真。他時洛社過從輩。圖牒中添又一鄰。

十七日錦嶺山下謝城中張孫二君惠茶

山似接藍波。似染遊心一向難。拘檢仍攜二友所分茶。每到煙嵐深處點。

思程氏父子兄弟因以寄之

年年時節近中秋。佳水佳山爛漫遊。此際歸期爲君促。

伊川不得久遲留

氣候如當日。山川似舊時。獨來還獨往。此意有誰知。

十九日歸洛城路遊龍門

二首
鈔一

無煩物象弄精神。世態何嘗不喜新。唯有前墀好風月。清光依舊屬閒人。

龍門石樓看伊川

數朝從欵走煙霞。縱意凭欄看物華。百尺樓臺通鳥道。一川煙水屬僧家。直須心逸方爲樂。始信官榮未足誇。此景得遊無事日。也宜知幸福無涯。

歷代大儒詩鈔

卷六

邵子一

三

采蘭堂

二十二日晚步天津次日有詩

溪翁昨晚步天津。步到天津佇立頻。洛水只聞煎去棹。西風惟解促行人。山川慘澹籠寒雨。樓觀參差鎖暮雲。此景分明誰會得。欲霜時候鴈來賓。

二十五日依韻和左藏吳傳正寺丞見贈

上陽光景好看書。非象之中有坦途。良月引歸芳草渡。快風飛過洞庭湖。不因赤水時時往。焉有黃芽日日娛。莫道天津便無事。也須閒處著功夫。

來詩云從此天津
南畔景不教都屬

邵堯夫故
有是句

代書寄劍州普安令周士彥屯田

二首
鈔一

二蜀至三吳。中間萬里餘。去年方北望。今歲復西驅。劍閣離天日。秦川限帝都。臨風相憶處。能飲一盃無。

又一絕

正當老輩過從日。況值高秋搖落天。一把黃花一樽酒。故人西去又經年。

和吳冲卿省副見贈

非有非無是祖卿。都來相去一毫芒。人人可到我未到。物物不妨誰與妨。失卽肝脾爲楚越。得之藜藿是膏粱。歷代大儒詩鈔卷六

邵子一

三五

采蘭堂

一言千古難知處。妙用仍須看呂梁。

和孫傅師祕校見贈

天津南畔是吾廬。時荷夫君枉乘車。始爲退來忘檢束。卻因閒久長空疎。與其功業通青史。孰若雲山負素書。一片丹誠最難狀。庶幾長得類舟虛。

和魏教授見贈

清世文章日月懸。無才惟幸樂豐年。遊山太室更少室。看水伊川又洛川。古有孟軻難語覺。時無顏子易爲賢。讀書每到天根處。長懼諸公問極元。

和夔峽張憲白帝城懷古

不憤曹公跨許昌。苟非梁益莫爭王。三分區宇風雷惡。
橫截西南氣勢強。行客往來閒指點。史官褒貶淚文章。
後人未識興亡意。請看江心舊戰場。

閒適吟五首

今鈔

六尺眼前安樂身。四時爭忍負佳辰。溫涼氣候二八月。
道義賓朋四五人。量力盃盤隨草具。開懷語笑任天真。
勸君似此清閒事。雖老何須更厭煩。

莫將真氣助憂傷。憤死英豪世更長。陌上雖多馬跳躍。

歷代大儒詩鈔

卷六

邵子一

三六

采蘭堂

天邊亦有鳳翱翔。三千賓客磨圭角。百二山河擁劍鏃。
等是一場春夢過。自餘惡足更悲涼。

南窗睡起望春山。山在霏微煙靄間。千里難逃雨眼淨。
百年未見一人閒。情如落絮無高下心。似遊絲自往還。
又恐幽禽知此意。故來枝上語緜蠻。

桃李吟

桃李因風花滿枝。因風桃李卻離披。慘舒相繼不離手。
憂喜雨般都在眉。泰到盛時須入蠱。否當極處卻成墮。
今人休愛古人好。只爲今人較遲。

傷二舍弟無疾而化

二首

手足情深不可忘。割心猶未比其傷。急難疇昔爾相濟。
終鮮於今我遂當。鞞鞞棣開無並萼。邕邕鴈去破初行。
自茲明月清風夜。蕭索東籬看斷腸。二弟殯東籬下後
得渠重九詩云衣
如當日白花似昔年黃。擬問
東籬事。東籬事渺茫。語類識。
腸斷東籬何所尋。東籬從此事沈沈。差肩行處皆成往。
弔影傷時無似今。清淚已乾情莫極。黃泉未到恨非深。
不知何日能銷盡。三十二年雍睦心。

又一首

歷代大儒詩鈔

卷六

邵子一

三毛

采蘭堂

兄既名雍弟名睦。弟兄雍睦情何足。居常出入留一人。
奉親教子如其欲。慈父享年七十九。四人穉子常相逐。
其間同戲綵衣時。堂上愉愉歡可掬。慈父前年忽傾逝。
爾弟今年命還促。獨余奉母引四子。日對几筵相向哭。
不知腸有幾千尺。不知淚有幾千斛。斷盡滴盡無奈何。
向日恩光焉可贖。

聽杜鵑思亡弟

嘗憶去年初夏時。與爾同聽杜鵑啼。杜鵑今年又復至。
還是去年初夏時。禽鳥亦知人意切。一聲未絕一聲悲。

腸隨此聲既已斷魂逐此禽何處飛

書亡弟殯所

後乎吾來先乎吾往當往之初殊不相讓

戊申自貽

雖老仍思鼓缶歌庶幾都未喪天和明夷用晦止於是
無妄生災終奈何似箭光陰頭上去如麻人事眼前過
中閒若不自爲計所損其來又更多

依韻和王不疑少卿見贈

不把憂愁累物華光陰過眼疾如車以平爲樂忝知分

歷代大儒詩鈔

卷六

邵子一

三

采蘭堂

待足求安恐未涯食罷有時尋蕙圃睡餘無事訪僧家
天津風月勝他處長是思君共煮茶

東軒消梅初開勸客酒二首

今鈔

爲愛消梅勝早梅數枝先發日徘徊若教嶺表臘前盡
安有洛陽正後開香逐暖風初出谷艷隨芳酒正浮醅
佳賓會取東君意莫負乘春此際來

清風長吟

宇宙中和氣清冷無比方與時獨疾病爲歲造豐穰起
自青蘋末來從翠樹傍得逢明月夜便入故人鄉密葉

搖輕幄。殷花舞。靚粧兩三聲。迴笛千萬縷。垂楊細度絲。
桐韻深。傳蘭蕙。香樓臺。臨遠水。軒檻近。脩篁盛夏驅。煩
暑初晴送晚涼。輕披綠荷芰。緩透薄衣裳。浪走翩翩袂。
波生激灑觴。閒愁難著。莫幽思。易飛揚。快若乘天馬。醒
如沃蔗漿。面前遊閬苑。坐上泛瀟湘。不可將錢買。焉能
用斗量。依憑全藉德。收貯豈須倉。無患兼并取。寧憂寇
盜攘。以茲爲樂事。未始有憂傷。

垂柳長吟

垂柳有兩種。有長有短垂。唯茲長一種。偏與靜相宜。院

歷代大儒詩鈔

卷六

邵子二

三五

采蘭堂

宇深春後亭。臺晚景時。不勝煙冪冪。無奈日遲遲。震震
雨初過。清冷風乍吹。章臺街左右。華表柱東西。起眼出
牆樹。拂頭當路枝。翩翻綠羅帶。縹緲縷金衣。蕩颺飄晴
絮。繽紛舞暖絲。絲牽寸腸斷。絮入萬家飛。婀娜王恭韻。
娉娉趙后姿。修妍張緒少。柔輒沈侯羸。濯濯青拖地。粲
粲翠遶池。般添花灼灼。引惹草萋萋。鬱鬱籠山館。疎疎
映酒旗。贈人人自泣。駐馬馬還嘶。影裏啞啞去。陰中嚶
嚶歸。淒涼裝暝靄。澆薄掛斜暉。懊惱輕攀折。憂愁重別
離。早衰緣傍道。先茂爲臨溪。樓外蟬纔噪。橋邊鶯又啼。

生憎遮望眼。死恨學粧眉。遠客莫知數。長條曾繫誰。經霜儘憔悴。來歲卻依依。

落花長吟

以酒戰花濃。花濃酒更濃。花能十日盡。酒未百壺空。尙喜裝衣袂。猶憐墜酒鐘。多情惟粉蝶。薄倖是遊蜂。滅卻牆頭艷。添爲徑畔紅。飄零深院宇。點綴靜簾籠。又恐隨流水。仍憂嫁遠風。水流猶委曲。風遠便西東。狼藉殘春後。離披遠照中。亭臺雖有主。軒騎斷無蹤。劍去擁妃子。兵來圍石崇。馬嵬方戀戀。金谷正怱怱。曹植辭休切。襄

歷代大儒詩鈔

卷六

邵子一

四下

采蘭堂

王夢已終。謬稱尋洛浦。浪說數巫峯。燕訴冤還在。鶯傳信莫通。苔錢如可買。柳線自能縫。悵望尤眞宰。淒涼殫化工。放教成爛漫。不使略從容。命掃心爭忍。言收計遂窮。異香銷骨髓。絕色死英雄。任詫回天力。饒矜益世功。奈何時旣往。到了事難重。開謝形相戾。興衰理一同。天機之淺者。未始免忡忡。

芳草長吟

芳草更休生。芳樽更不傾。草如生不已。樽豈便能停。雨後閒池閣。春深小院庭。是時簾半捲。此際酒初醒。密密

嫩方布茸茸綠已成。送回殘照淡引起。曉寒輕靜襯花
村。薄間裝竹塢。溪邊微水浸。原上未春耕。莫遣香車
輾。休教細馬行。藉餘無限意。望久不勝情。臺迴眉初斂。
樓危眼乍明。低低暮雲碧。隱隱遠山青。翠接鴛鴦浦。蕙
連楊柳汀。江潭夜帆落。海渚晚舟橫。戍壘角一弄。牧童
笛數聲。沙頭雙鷺下。渡口亂鴻驚。荔鬱出征地。芊綿奉
使程。遠披來往路。遍遶短長亭。苒苒秦皇墓。離離漢帝
城。荒涼故銅雀。破碎舊金陵。霧鎖前朝事。煙昏後世名。
枯猶藏狡兔腐。亦化流螢縱。刻奚由盡纜。燒又卻榮徒。

歷代大儒詩鈔

卷六

邵子一

聖

采蘭堂

能蔽京觀。仍願且昇平。

春水長吟

春在水自淥。春歸淥遂休。清非不逮淥。春奈勝於秋。淥
向陽中得。清於冷上求。加於清一等。用是淥爲優。薄薄
冰初泮。微微雨乍收。渺瀰新島嶼。澗澗舊汀洲。荷芰低
猶卷。菰蒲嫩已抽。蘋蘩雖漸出。藻荇未全稠。日煖鴛鴦
浴。煙晴翡翠游。波平躍雙鯉。風靜戲羣鷗。西蜀遊爭舉。
東甌禊競修。武陵花再識。漢曲珮還投。臺下溶溶過。堤
邊漫漫流。檻前纔泚泚。天外更悠悠。泛濫情懷惡。潺湲

意思幽遠山遮不斷一作住別浦去難留二月溪橋畔三
吳野渡頭依前橫兩漿特地送孤舟畫手方停筆騷人
正倚樓長江飛絮外只是動離愁

花月長吟

少年貪讀兩行書人世樂事都如愚而今卻欲釋前憾
奈何意氣難如初每逢花開與月圓一般情態還何如
當此之際無詩酒情亦願死不願甦花逢皓月精神好
月見奇花光彩舒人與花月合爲一但覺此身遊藥珠
又恐月爲雲阻隔又恐花爲風破除若無詩酒重收管
歷代大儒詩鈔卷六

邵子一

聖

采蘭堂

過此又卻成輕辜可收幸有長詩篇可管幸有清酒壺
詩篇酒壺時一講長如花月相招呼有花無月愁花老
有月無花恨月孤月恨只憑詩告訴花愁全仰酒支吾
月恨花愁無一點始知詩酒有功夫些兒林下閒疎散
做得風流罪過無

際岐謹案邵子清風等長律諸篇其傳神寫
影在唐人詠物詩中已難多得而情辭滔滔
不竭著紙欲飛卽在制律中亦青錢萬選之
技此雖小之乎論文而亦足見有道人心地
圓通觸手便源源而來不假思索真神妙也
後六言四言諸長篇亦同此轉法輪手

歷代大儒詩鈔卷六

江南

揚州府梅花書院孝廉堂

受業諸子重校

歷代大儒詩鈔卷七

滇西趙州後學谷際岐西阿甫彙鈔

受業諸子 男曉全校

邵子二

乞笛竹栽於李少保宅

浪種閒花占地生。未嘗容易暫畱情。奈何苦愛凌霜節。

一作物況是猶存縷管名。待鳳至時當有實。學龍吟處豈

無聲。幽人願乞數枝種。得自君家又更榮。

和張子望洛城觀花

歷代大儒詩鈔

卷七

邵子二

采蘭堂

造化從來不負人。萬般紅紫見天真。滿城車馬空撩亂。未必逢春便得春。

落花短吟

滿園桃李正離披。更被狂風非意吹。長是憂愁初謝處。卻須思念未開時。奈何紅艷易消歇。不似青陰少改移。九十日春都去盡。樽前安忍更顰眉。

芳草短吟

花間水畔綠如茵。興廢曾經漢與秦。占了山川無限地。愁傷今古幾何人。巖霜殺盡還逢雨。野火燒殘又遇春。

不那路傍多此物。農家長是費耕耘。

垂柳短吟

臨溪拂水正依依。更被狂風來往吹。薄暮不勝煙霧幕。
深春無奈日遲遲。誰家縹緲青羅帳。何處蹁躑金縷衣。
猶恐離人腸未斷。滿天仍著亂花飛。

春水短吟

雪消冰泮綠盈溝。翡翠鴛鴦得志秋。長恨遠山遮不斷。
又疑別浦去難留。遶堤楊柳輕輕拂。近岸蘆蒲細細抽。
滿眼煙波杳無際。三吳特地送孤舟。

歷代大儒詩鈔

卷七

邵子二

二 采蘭堂

清風短吟

清風興況未全衰。豈謂天心便棄遺。長具齋莊緣讀易。
每慙疎散爲吟詩。人閒好景皆輸眼。世上閒愁不到眉。
生長太平無事日。又還身老太平時。

暮春寄李審言龍圖

年年長是怕春深。每到春深病不任。傷酒情懷因小會。
養花天氣爲輕陰。歲華易革向來事。節物難回老苦心。
惟有前軒堪靜坐。臨風相望舊知音。

初夏閒吟

綠楊深處囀流鶯。鶯語猶能喜太平。人享永年非不幸。
天生珍物豈無情。牡丹謝後紫櫻熟。芍藥開時斑笋生。
林下一般閒富貴。何嘗更肯讓公卿。

詔三下答鄉人不起之意

生平不作皺眉事。天下因無切齒人。斷送落花安用雨。
裝添舊物豈須春。幸逢堯舜爲真主。且放巢由作外臣。
六十病夫宜揣分。監司無用苦開陳。

依韻和劉職方見贈

造物工夫意自深。從吾所樂是山林。少因多病不干祿。

歷代大儒詩鈔

卷七

邵子二

三

采蘭堂

老爲無才難動心。花月靜時行水際。蕙風香處卧松陰。
閒窗一覺從容睡。願當封侯與賜金。

萊石茶酒器寄邵先生作詩代書 益柔

寶刀切石如春泥。雕剜成器青玻璃。吾嘗閱視得而有。
惜不自用長提攜。前時過君銅駝陌。門巷深僻無輪蹄。
呼兒烹茶酌白酒。陶器自稱藿與藜。愛君居貧趣閒放。
一語不涉青雲梯。嗟予都城走塵土。日遠樽杓愁鹽虀。
緘封不啟置牆角。頓撼時作瓊瑤嘶。爭如持寄邵高士。
書帙几杖同幽棲。荷鋤贖治田間穢。抱

甕勤灌園疏畦。明年春酒或共酌。爲我掃石臨清溪。
代書謝王勝之學士寄萊石茶酒器

東山有石若瓊玖。匠者追琢可盛酒。君子得之惜不用。
慇懃遠寄林下叟。林叟從來用瓦盞。驚惶不敢擎上手。
重誠兒童無損傷。緘藏復以待賢友。未知賢友何時歸。
男子功名未成就。朝廷先從憂者言。方今莫如二虜醜。
漢之六郡限遼西。唐之八州隔山後。自餘瓜沙甘與涼。
中原久而不能有。奈何更餌以金帛。重困吾民猶掣肘。
若非堂上出奇兵。安得闔外拉餘朽。直可逐去此羗羗。

歷代大儒詩鈔

卷七

邵子二

四

采蘭堂

西出玉門北。逾口城下狐狸旣不存。路上豺狼自無走。
太陽烜赫耀天衢。氛妖接變匿塵垢。功成不肯受上賞。
印解黃金大於斗。乞洛辭君出國門。歸鞍暖拂天街柳。
千官如壁遮道畱。仰面弄鞭不回首。鄉人夾路迎大尹。
醉擁旌幢錦光溜。下車拜墓還政餘。不訪公門訪親舊。
始知此器用有時。吾當爲君獻眉壽。

際岐謹案一茶酒器發此大議論可

見安樂窩中乃心王室古伊傅諸葛志略非

僅抱道自高真千古人豪而詩更沈雄驚艷

接不作尋常轉折語非合杜韓爲一手不能
崇德閣下答諸公不語禪

浩浩長空走日輪。何煩苦苦辨根塵。鵬程萬里非由駕。
鶴算三千別有春。鉛錫黜金終屬假。丹青畫馬要求真。
請觀風急天寒夜。誰是當門定腳人。

和人聞韓魏公出鎮永興過洛

佐命三朝爲太宰。名垂千古號元功。栽培桃李滿天下。
出入風濤半海中。虎帳夜寒心益壯。鳳池波暖位猶空。
君王鼎盛子儀在。萬里河湟不足攻。

代書寄白波張景真輦運

秋入山河氣象雄。不堪閒望老年中。金蘭契重思無限。

歷代大儒詩鈔

卷七

邵子二

五

采蘭堂

手足情多感未終。半局殘棋消白晝。一簪華髮亂西風。
惟君父子相知久。松桂心同色更同。

先幾吟

先幾能識是吾儕。慎勿輕爲世俗哈。把似衆中呈醜拙。
爭如靜裏且詠諧。奇花萬狀皆輸眼。明月一輪長入懷。
似此光陰豈虛過。也知快活作人來。

寄和長安張強二機宜

二公詩美過連城。欲報才非禰正平。本謂柏舟終不遇。
邵驚華袞重爲榮。岷峨雨後方知峭。風月霜餘始見清。

前有古人稱寡和。陽春白雪豈虛名。

代書答淮南憲張司封

緣木求魚固不能。緣魚求炙恐能行。與其病後求良藥。
不若醉時辭大觥。芝草無根休用種。蟠桃有實豈難生。
荷君見愛情非淺。一芥還同一芥榮。

偶得吟

集大成人不肯模。卻行何異棄金車。便言天下無難事。
豈信人間有丈夫。天意順時爲善計。人情安處是良圖。
天人之意只些子。過此還同隔五湖。

歷代大儒詩鈔

卷七

邵子二

六

采蘭堂

風吹木葉吟

風吹木葉不吹根。慎勿將根苦自陳。天子舊都閒好住。
聖人餘事冗休論。長年國裏神仙侶。安樂窩中富貴人。
萬水千山行已遍。歸來認得自家身。

閒行吟三首

今抄二

長憶當年掃敝廬。未嘗三徑草荒蕪。欲爲天下屠龍手。
肯讀人間非聖書。否泰悟來知進退。乾坤見了識親疎。
自從會得環中意。閒氣胸中一點無。

買卜稽疑是買疑。病深何藥可能醫。夢中說夢重重妄。

牀上安牀疊疊非。列子御風徒一本有特。夸父逐日豈無疲。勞多未有收功處。踏盡人間閒路歧。

洛下園池

洛下園池不閉門。洞天休用別尋春。縱遊只卻輪閣客。遍入何嘗問主人。更小亭欄花自好。儘荒臺榭景纔真。虛名誤了無涯事。未必虛名總到身。

代書寄前洛陽簿陸剛叔祕校

洛城官滿振衣裾。塵土何由浼遠途。道在幸逢清日月。眼明應識舊江湖。知行知止唯賢者。能屈能伸是丈夫。歷代大儒詩鈔卷七

邵子二

七

采蘭堂

答人乞碧蘆

草有可嘉者。莫將蕭艾儔。扶踈全類竹。蒼翠特宜秋。風雨聲初入。江湖思莫收。無功濟天下。藉此一淹留。

逍遙吟四首

今鈔三

吾道本來平。人多不肯行。得心無後味。失腳有深坑。若未通天地。焉能了死生。向其閒一事。須是自誠明。夜入安樂窩。晨興飲太和。窮神知道泰。養素得天多。日月任推盪。山川徒琢磨。欲求爲此者。到老是誰何。

何事感人深。求之無處尋。兩儀長在手。萬化不關心。石裏時藏玉。沙中屢得金。分明難理會。須索入沉吟。

君子與人交

君子與人交。未始無驚惕。小人與人交。未始無差忒。祇此真歡喜也。宜重愛惜。他年雲水跡。亦恐難尋覓。

唯天有二氣

唯天有二氣。一陰而一陽。陰毒產蛇蝎。陽和生鳳凰。安得蛇蝎死。不爲人之殃。安得鳳凰生長爲國之祥。

放小魚

歷代大儒詩鈔

卷七

邵子二

八

采蘭堂

纖鱗不足畱。此失一生休。放爾江湖去。寬渠鼎鑊游。更宜深避網。慎勿悞吞鈎。天下多庖者。無令落庶羞。

乞笛竹

洛人好種花。惟我好種竹。所好雖不同。其心亦自足。花止十日紅。竹能經歲綠。俱霑雨露恩。獨無霜雪辱。

再和王不疑少卿見贈

乍涼天氣好。何處不堪遊。鴻鴈來賓日。鷹鷂得志秋。忘形終夕樂。失腳一生休。多少江湖上。舟船未到頭。

依韻和三王少卿同過敝廬安之不疑中美

洛中詩有社。馬上句如神。白首交情重。黃花節物新。見過心可荷。知愧道非淳。寂寞西風裏。身閒半古人。

代書寄南陽太守呂獻可諫議

一別星霜二紀中。升沈音問不相通。林閒談笑須歸我。天下安危宜繫公。萬乘几前當蹇諤。百花洲上略從容。不知月白風清夜。能憶伊川舊釣翁。

重陽前一日作

近來多病不堪言。長欲醺醺帶醉眠。新酒乍逢重九日。好花初接小春天。自知命薄臨頭上。不願事多來眼前。歷代大儒詩鈔

卷七

邵子二

九

采蘭堂

唯有天津橫落照。水聲仍是舊潺湲。

重九日登石閣三首

人情見已多。世態諳來久。事過憂噬臍。物傷防掣肘。水濁更澄濾。衣塵須抖擻。必欲論主衡。何人爲好手。事出一時閒。時過事莫還。當時深可愛。過後不堪看。夏去休言暑。冬來始講寒。人能知此理。憂患自難干。今歲重陽日。凭欄氣候遲。雲煙雖已沒。林木未全衰。天地開懷處。山川快眼時。欄杆空倚遍。此意有誰知。

依韻答友人

百萬貔貅動塞塵。朝廷委寄不輕人。胡兒生事雖然淺。國士盡忠須是純。隴上悲歌應憤惋。林間酣飲但酸辛。欲陳一句好言語。只恐相知未甚真。

偶見吟

富貴多傲。人人情有時移。道德不傲。人人情久益。歸道德有常理。富貴無定期。蒿萊霜至萎。松柏雪更滋。世人多附炎。炎歇人自去。君子善處約。約久情自固。炎歇勢不回。情固人不去。路人或如親。親人卻如路。

心跡貴相親。相親善惡分。世間須有物。天下豈無人。既

歷代大儒詩鈔

卷七

邵子二

十

采蘭堂

見薰蕕臭。當思玉石焚。如何得時態。長似洛陽春。

無題吟

昔日不鍊物。嘗爲物所誤。今日不鍊人。又爲人所怒。物誤亦可辨。人怒難往訴。我對人稱過。人亦爲我恕。

無酒吟

自從新法行。嘗苦樽無酒。每日賓朋至。盡日閒相守。必欲丐於人。交親自無有。必欲典衣買。焉能得長久。

際岐謹案新法之行諸賢皆力爭之而終難救正此詩只藉一閒題目詠諧出之堪令聞者心灰氣沮有道之言如是如是是真風人妙旨也

訪南園張氏昆仲因而畱宿

中秋天氣隨宜好。來訪南園會隱家。張氏園名貪飲不知歸

去晚。水晶宮裏宿煙霞。

讀陶淵明歸去來

歸去來兮任我真。事雖成往意能新。何嘗不遇如斯世。
其奈難逢似此人。近暮特嗟時翳翳。向榮還喜木欣欣。
可憐六百餘年外。復有閒人繼後塵。

歸城中用前韻

乘興龍山訪盡幽。恰如人在畫圖遊。恨無美酒酬佳景。

歷代大儒詩鈔

卷七

邵子二

上

采蘭堂

正欲畱時不得畱。

和人畱題張相公菴

做了三公更引年。人間福德合居先。結茅未盡忘君處。
正在嵩高萬歲前。

代書寄程正叔

嚴親出守劔門西。色養歡深世表儀。唐相規模今歷歷。
蜀民遨樂舊熙熙。海棠洲畔停橈處。金堰橋邊立馬時。
料得預憂天下計。不忘君者更爲誰。

歲暮自貽

當年志意欲橫秋。今日思之重可羞。事到強圖皆屑屑。
道非真得盡悠悠。靜中照物情難隱。老後看書味轉優。
談塵從容對賓客。薦章重疊誤公侯。己蒙賢傑開青眼。
不顧妻孥怨白頭。谷口鄭真焉敢望。壽陵餘子若爲謀。
鼎間龍虎忘看守。棊上山河廢講求。一枕晴窗睡初覺。
數聲幽鳥語方休。林泉好處將詩買。風月佳時用酒酬。
三百六旬如去箭。肯教襟抱落閒愁。

寄亳州秦伯鎮兵部六首

今鈔二

天。心。復。處。是。無。心。心。到。無。時。無。處。尋。若。謂。無。心。便。無。事。

歷代大儒詩鈔

卷七

邵子二

十三

采蘭堂

水中何故卻生金

酒。涵。花。影。滿。卮。紅。瀉。入。天。和。胸。臆。中。最。愛。一。般。情。味。好。
半醺時與太初同。

南園賞花二首

今鈔一

花前把酒花前醉。醉把花枝仍自歌。花見白頭人莫笑。
白頭人見好花多。

獨賞牡丹

賞花容易識花難。善識花人獨倚欄。雨露功中觀造化。
神仙品裏定容顏。尋常止可言時尚。竒絕方名出世閒。

賦分也須知不淺。算來消得一生閒。

安樂窩中自貽

物如善得終爲美。事到巧圖安有公。不作風波於世上。
自無冰炭到胸中。災殃秋葉霜前墜。富貴春華雨後紅。
造化分明人莫會。枯榮消得幾何功。

書皇極經世後

樸散人道立。法始乎羲皇。歲月易遷革。書傳難考詳。二
帝啟禪讓。三王正紀綱。五霸仗形勝。七國爭強梁。兩漢
驤龍鳳。三分走虎狼。西晉擅風流。羣兇來北荒。東晉事

歷代大儒詩鈔

卷七

邵子二

十三

采蘭堂

清芬傳聲宋齊梁。逮陳不足算。江表成悲傷。後魏乘晉
弊。掃除幾小康。遷洛未甚久。旋聞東西將。北齊舉燭火。
後周馳星光。隋能一統之。駕福於巨唐。五代如傳舍。天
下徒擾攘。不有真主出。何由奠中央。一萬里區宇。四千
年興亡。五百主肇位。七十國開疆。或混同六合。或控制
一方。或創業先後。或垂祚短長。或奮於將墜。或奪於已
昌。或災興無妄。或福會不祥。或患生藩屏。或難起蕭牆。
或病由唇齒。或疾亟膏肓。談笑萌事端。酒食開戰場。情
欲之一發。利害之相戕。劇力恣吞噬。無涯罹禍殃。山川

纔表裏。印瓏又荒涼。荆棘除難盡。芝蘭種未芳。龍蛇走
平地。玉石碎崑岡。善設稱周孔。能齊是老莊。奈何言已
病。安得意都忘。

履道會飲

衆人之所樂。所樂唯囂塵。吾友之所樂。所樂唯清芬。清
芬無鼓吹。直與太古隣。太古者靡佗。和氣常網緼。里閭
舊情好。有才復有文。過從一日樂。十月生陽春。洛陽古
神州。周公常縷陳。四時寒暑正。四方道里均。代不乏英
俊。號爲多縉紳。至於花與木。天下莫敢倫。而逢此之景。
歷代大儒詩鈔 卷七 邵子二 十四 采蘭堂
而當此之辰。而能開口笑。而世有幾人。清衷貫金石。劇
談驚鬼神。天地爲一指。富貴如浮雲。明時緩康濟。白晝
閒經綸。莫如陪歡伯。又復對此君。商於六百里。黃金四
萬斤。不能買茲樂。自餘惡足論。接籬倒戴時。蟾蜍生海
垠。小車倒載時。山翁歸天津。

謝城南張氏四兄弟冒雪載餽酒見過

久旱幾逾冬。川守祈未得。鴈行聯鑣來。佳雪遽盈尺。酒
面生紅光。客心喜何極。半夜離天津。天津陡岑寂。

和李審言龍圖大雪

萬樹瓊花一夜開。都和天地色皚皚。素娥腰細舞將徹。白玉堂深曲又催。麤牖書生方挾策。沙場甲士正銜枚。幽人骨瘦欲清損。賴有時時酒一盃。

小車行

喜醉豈無千日酒。惜春還有四時花。小車行處人歡喜。滿洛城中都是家。

和任比部憶梅

痛憶梅花易得殘。既殘憔悴不堪看。年年長被清香誤。爭似閒栽竹數竿。

歷代大儒詩鈔

卷七

邵子二

五

采蘭堂

生平與人交

生平與人交。未始有甘壞。已亦無負人。人亦無我害。

偶書吟

風林無靜柯。風池無靜波。林池既不靜。禽魚當如何。

寄三城王宣徽二首

林下居雖陋。花前飲卻頻。世間無事樂。都恐屬閒人。路上塵方盞。壺中花正開。何須頭盡白。然後賦歸來。

知識吟

目見謂之識。耳聞謂之知。奈何知與識。天下亦常稀。

二聖吟

盡道謂之聖。如天謂之仁。如何仁與聖。天下莫敢倫。

恕將還河北畱別先生

邢恕

先生抱道隱牆東。心迹兼忘出處通。圯下每慙知孺子。牀前曾憶拜龐公。已將目擊存微妙。直把神交寄始終。此日離違限南北。蕭蕭班馬正依風。

和邢和叔學士見別

世路如何若大東。相逢不待語言通。觀君自比諸葛亮。顧我殊非黃石公。講道污隆無巨細。語時興替有初終。歷代大儒詩鈔

卷七

邵子二

七

采蘭堂

出人才業尤須惜。慎勿輕爲西晉風。

擊壤吟

人言別有洞中仙。洞裏神仙恐妄傳。若俟靈丹須九轉。必求朱頂更千年。長年國裏花千樹。安樂窩中樂滿懸。有樂有花仍有酒。卻疑身是洞中仙。

春去吟

好物足艱難。都來數日閒。既爲風攪擾。又被雨摧殘。富貴醉初醒。神仙夢乍還。遊人不知止。依舊倚朱欄。

南園花竹

花行竹逕緊相挨。每日須行四五回。因把花行侵竹種。且圖竹逕對花開。花香遠。遠隨衣袂。竹影重重。上酒盃。誰道山翁少溫潤。這般紅翠卻長假。

再答王宣徽二首

自有吾儒樂。人多不肯循。以禪爲樂事。又起一重塵。大達誠無礙。人人自有家。假花猶入念。何者謂真花。

蒼蒼吟寄答曹州李審言龍圖

一般顏色正蒼蒼。今古人曾望。又作斷腸。日往月來無

少異。陽舒陰慘不相妨。迅雷震後山川裂。甘露零時草

歷代大儒詩鈔

卷七

邵子二

七

采蘭堂

木香幽暗巖崖生。鬼魅清平郊野見。鸞凰千花爛爲三。春雨萬木彫。因一夜霜。此意分明難理會。直須賢者入精詳。

安樂窩中自訟吟

不向紅塵浪著鞭。唯求寡過尙無緣。虛更蘧瑗知非日。謬歷宣尼讀易年。髮到白時難受彩。心歸通後更何言。至陽之氣方爲玉。猶恐鑽磨未甚堅。

林下五吟

今鈔三

老年軀體索溫存。安樂窩中別有春。萬事去心閒偃仰。

四支由我任舒伸。庭花盛處涼。鋪簾簷雪飛時。輒布衲。誰道山翁拙於用。也能康濟自家身。

相招相勸飲流霞。鬢亂秋霜髮亂華。所記莫非前甲子。凡經多是老官家。共誇今日重孫過。更說當時舊事呀。言語丁寧有情味。後生無笑太週遮。

生來未始事田疇。無歲無時長有秋。隨分盃盤俱是樂。等閒池館便成遊。風花雪月千金子。水竹雲山萬戶侯。欲俟河清人壽幾。兩眉能著幾多愁。

林下局事吟

邵子二

十八

采蘭堂

歷代大儒詩鈔

卷七

閒人亦有官守。官守一身四事有。一事承曉露。看花一事迎晚風。觀柳一事對皓月。吟詩一事畱佳賓。飲酒從事于茲二十年。欲求同列誰能否。

延福坊李太博乞園池詩

宣威十九次高牙。奕葉功臣舊將家。清世辭榮歸里第。白頭行樂過年華。盃盈香醕浮春水。曲度新聲出靚花。如此園池如此壽。兒孫滿眼慶無涯。

金玉吟

良金美玉信難偕。好物其來最受埋。盜蹠免兵非積善。

仲尼無土反成猜。中孚既若須爲信。一能成信無妄因何卻有災。莫若致之爲外事。心源可樂是昭回。

謝甯寺丞惠希夷饋

仙掌峯巒峭不收。陳圖南也去後遂無儔。能斟時事高

擡手善酌人情略。撥頭畫虎不成心。尙在悲麟無應淚

橫流。悟來不必多言語。贏得清閒第一籌。

戲謝富相公惠斑筠

各園不放過鴉飛。相國如今遂請時。鼎食從來稱富貴

更和花笋一兼之。

歷代大儒詩鈔 卷七

邵子二

十九 采蘭堂

依韻和宋都官惠櫻拂子

洛邑從來號別都。能容無狀久安居。衆蚊多少成雷處。一拂何由議掃除。

秋日登石閣

初晴僧閣一凭欄。風物淒涼八月間。欲盡上層嘗腳力。更於高處看人寰。秋深天氣隨宜好。老後心懷只愛閒。爲報遠山休斂黛。這般情意久闌珊。

和堯夫先生秋霽登石閣 司馬光

飛簷危檻出林端。王屋嵩高咫尺間。獨愛高明遊佛

閣豈知憂喜滿塵寰。目窮莽蒼織毫盡。身得逍遙萬
象閒。暇日登臨無厭數。悲風殘葉已珊珊。

贈富公

天下繫休戚。世閒誰擬倫。三朝爲宰相。四水作閒人。照
破萬古事。收歸一點真。不知緣底事。見我卻慙慙。

風月吟

涼風無限清。良月無限明。清明不我捨。長能成歡情。終
朝三虜辱。晝日三接榮。榮辱不我預。何復能有驚。

別一章改韻同五詩呈堯夫先生

光

歷代大儒詩鈔

卷七

邵子二

三

采蘭堂

家雖在城闕。蕭瑟似山阿。遠去利名窟。自稱安樂窩。
雲歸白石洞。鶴立碧松柯。得喪非吾事。何須更寤歌。

秋夜

光

浮雲一消散。星斗粲長天。碧蘚墜丹果。清香生白蓮。
體涼猶衣褐。耳靜已無蟬。坐久羣動息。秋空惟寂然。
平日遊園常策筇。杖秋來發篋復出貂。縹二物

皆景仁所貺。睹物思人。斐然成詩。

光

筇杖襦已久。貂縹展猶新。漸染岷山雪。拂除京國塵。
危扶醉歸路。穩稱病來身。賴此齋中物。時如見故人。

雲

光

晴空碧如水。那得片雲飛。映日成丹鳳。隨風變白衣。
去來皆絕迹。隱現兩忘機。天理誰能測。終然何所歸。

閒來

光

閒來觀萬物。在處可逍遙。魚爲貪釣得。蛾因赴火焦。
碧梧饑鸞驚。白粒飽鷓鴣。帶索誰家子。行歌復採樵。
花庵多牽牛。清晨始開日。出已瘁。花雖甚美而

不能畱賞

光

望遠雲凝袖。粧餘黛散鈿。縹囊承曉露。翠蓋拂秋煙。

歷代大儒詩鈔

卷七

邵子二

三

采蘭堂

嚮慕非葵比。彫零在槿先。才供少頃翫。空廢日高眠。

和秋夜

人畏夏暑日。喜逢秋夜天。急雨過脩竹。涼風搖晚蓮。豈
謂敗莎蛩。能繼衰柳蟬。安得九臯禽。清唳一灑然。

秋貂緝筇杖二物皆范景仁所惠

君子亦保物。保故不保新。筇生蜀部石。貂走陰山麇。善
扶巖嶮路。能暖瘦羸身。行坐不可捨。常如睹斯人。

和雲

萬里幕四垂。一片雲自飛。祇知根抱石。不爲天爲衣。旣

來會無心。卻去寧有機。未能作霖雨。安用帝鄉歸。

和閒來

以身觀萬物。萬物理非遙。馬爲乘多瘦。龜因灼苦焦。能言謝鸚鵡。易飽過鷓鴣。伊洛好煙水。願同漁與樵。

和花庵上牽牛花

葉開深如幄。花繁翠似鈿。瀼瀼零曉露。冪冪蔽晴煙。謝旣成。番次開。仍有後。先主人凝佇苦。長是廢朝眠。

弄筆吟

人生所貴有精神。旣有精神卻不淳。弄假像真終是假。

歷代大儒詩鈔

卷七

邵子二

三

采蘭堂

將勤補拙。總輸勤。因饑得飽。飽猶病。爲病求安安。未真人誤聖人。人不少。聖人無誤世間人。

秋日雨霽閒望

水冷雲疎。霜意早。歲華雖晚。黃花好。饒教四面遠。山圍奈何一片秋光老。上天生物固無私。聖人餘事人難曉。陳言生活不須矜。自是中才皆可了。

聞少華崩

變化無蹤。倏忽間。力回天地不爲難。若教施展巨靈手。豈止軒騰少華山。六社居民皆覆沒。九泉磐石盡飛翻。

芻蕘一句能收採堯舜之時不可攀謹案此詩讀之悚然不可不戒

代書寄祖龍圖

三十年交舊相逢各白頭海隅曾共飲洛社又同遊脫
屣風波地開懷松桂秋兩眉從此後應不著閒愁

寒夜吟

天加一夕寒我添一重被不出既往言不為已甚事責
已重以周與人不求備唯是大聖人能立無過地

趨嚮

捨爾靈龜觀我采頤背義從利人無遠思賁于邱園束

歷代大儒詩鈔

卷七

邵子二

三

采蘭堂

帛芟芟既能圖大小在其間

事急吟

旱極望雨意病危思藥心人人當此際不待勸而深

言語吟

一語便喜處千言益怒時既因言語合卻為語言離

思患吟

緣飾近虛襟虛襟後患深療饑當用食救旱必須霖

十月二十四日早始見雪登白雲臺閒望亂

道走書呈堯夫先生

富弼

氣候隨時應。初寒雪已盈。乾坤一色白。山水萬重清。
是處人煙合。無窮鳥鵲驚。忻然不成下。連把玉巒傾。
臺上再成亂道走書呈堯夫先生

富弼

密雪終霄下。晨登百尺端。瑞光翻怯日。和氣不成寒。
天末無纖翳。雲頭未少乾。四郊聞擊壤。農望已多歡。
安樂窩中四長吟

安樂窩中快活人。閒來四物幸相親。一編詩逸收花月。
一部書嚴驚鬼神。一炷香清冲宇宙。一樽酒美湛天真。
歷代大儒詩鈔卷七

邵子二

活

采蘭堂

太平自慶何多也。唯願君王壽萬春。

安樂窩中詩一編

安樂窩中詩一編。自歌自詠自怡然。陶鎔水石閒勲業。
銓擇風花靜事權。意去乍乘千里馬。興來初上九重天。
懽時更改兩三字。醉後吟哦五七篇。直恐心通雲外月。
又疑身是洞中仙。銀河洶湧翻晴浪。玉樹查牙生紫煙。
萬物有情皆可狀。百骸無病不能蠲。命題濫被神相助。
得句謬爲人所傳。肯讓貴家常奏樂。寧慙富室賸收錢。
若條此過知何限。因甚臺官獨未言。

安樂窩中一部書

安樂窩中一部書。號云皇極意何如。春秋禮樂能遺則。
父子君臣可廢乎。浩浩羲軒開闢後。巍巍堯舜協和初。
炎。炎。湯。武。干。戈。外。恂。恂。桓。文。弓。劍。餘。日。月。星。辰。高。照。耀。
皇。王。帝。霸。大。鋪。舒。幾。千。百。主。出。規。制。數。億。萬。年。成。楷。模。
治。久。便。憂。強。跋。扈。患。深。仍。念。惡。驅。除。才。堪。命。世。有。時。有。
智。可。濟。時。無。世。無。既。往。盡。歸。閒。指。點。未。來。須。俟。別。支。吾。
不。知。造。化。誰。爲。主。生。得。許。多。奇。丈。夫。

安樂窩中一炷香

歷代大儒詩鈔

卷七

邵子二

三

采蘭堂

安樂窩中一炷香。凌晨焚意豈尋常。禍如許。免人須。詔。
福。若。待。求。天。可。量。且。異。緇。黃。徹。廟。貌。又。殊。兒。女。裊。衣。裳。
中。孚。起。信。寧。煩。禱。無。妄。生。災。未。易。禳。虛。室。清。冷。都。是。白。
靈。臺。瑩。靜。別。生。光。觀。風。禦。寇。心。方。醉。對。景。一作境顏淵坐。
正。忘。赤。水。有。珠。涵。造。化。泥。丸。無。物。隔。青。蒼。生。爲。男。子。仍。
身。健。時。遇。昌。辰。更。歲。穰。日。月。照。臨。功。自。大。君。臣。庇。廕。效。
何。長。非。又作不徒。聞。道。至。於。此。金。玉。誰。家。不。滿。堂。

安樂窩中酒一樽

安樂窩中酒一樽。非唯養氣又頤真。頻頻到口微成醉。

拍拍滿懷都是春。何異君臣初際會。又同天地乍綱縕。
醞醞情味難名狀。醞釀功夫莫指陳。斟有淺深存變理。
飲無多少寄經綸。鳳凰樓下逍遙客。郊廓城中自在人。
高閣望時花似錦。小車行處草如茵。卷舒萬世興亡手。
出入千重雲水身。雨後靜觀山意思。風前閒看月精神。
這般事業權衡別。振古英雄一本作豪恐未聞。

謝富相公見示新詩一軸

通衢選地半松筠。元老辭榮向盛辰。多種好花觀物體。
每斟醇酒發天真。清朝將相當年事。碧洞神仙今日身。
歷代大儒詩鈔

卷七

邵子二

三六

采蘭堂

更出新詩二十首。其閒字字敵陽春。

文章天下稱公器。詩在文章更不疎。到性始知真氣味。
入神方見妙功夫。閒將歲月觀消長。靜把乾坤照有無。
辭比離騷更溫潤。離騷其奈少寬舒。

語志不必更及乎詩也。伏惟一覽而已。

富弼

出入高車耀縉紳。從來天幸喜逢辰。道孤常恐難逃。
悔性拙徒能不。失真風雨坐生無。妄疾林泉歸作自。

由身歲寒未必輸松柏。已見人間七十春。

賦分蕭條只自如。生平常向宦情疎。亡功每嘆孤明主。得謝何妨作老夫。官品尚叨三事貴。世緣應信一毫無。病來腴肉消幾盡。尤覺陰陽繫慘舒。

安樂窩中打乖吟

安樂窩中好打乖。打乖年紀合挨排。重寒盛夏多閉戶。輕暖初涼時出街。風月煎催親筆硯。鶯花引惹傍樽罍。問君何故能如此。祇被才能養不才。

和

富弼

歷代大儒詩鈔

卷七

邵子二

二十七 采蘭堂

先生自衛客西畿。樂道安閒絕世機。再命初筵終不起。獨甘窮巷寂無依。貫穿百代常探古。吟咏千篇亦造微。珍重相知忽相訪。醉和風雨夜深歸。

和

王拱宸

安樂窩中名隱君。腹藏經笥富多聞。一厘水竹爲生計。三徑琴觴混世紛。婉畫舊嘗辭幕府。少微今已應星文。了心便是棲真地。何必煙霞卧白雲。

和

司馬光

安樂窩中自在身。猶嫌名字落紅塵。醉吟終日不知

老經史滿堂誰道貧。長掩柴荆避寒暑。只將花卉記
冬春。料非閒處打乖客。乃是清朝避世人。

和

尚恭

高名安樂已詎諧。更賦新詩訟所乖。豈以達爲賢事
業。自知安是道梯階。權門富室先藏跡。好景良朋亦
放懷。應照先生純粹處。肯揮妙墨記西齋。

和

程顥

打乖非是要安身。道大方能混世塵。陋巷一生顏氏
樂。清風千古伯夷貧。客求妙墨多攜卷。天爲詩豪賸

歷代大儒詩鈔

卷七

邵子二

三

借春儘把笑設親。俗子德容猶足畏鄉人。
聖賢事業本經綸。肯爲巢由繼後塵。三幣未回伊尹
志。萬鍾難換子輿貧。且因經世藏千古。已占西軒度
十春。時止時行皆有命。先生不是打乖人。

和

呂希哲

先生不是閉關人。高趣逍遙混世塵。得志須爲天下
雨。放懷聊占洛陽春。家無甌石賓常滿。論極錙銖意
始新。任便終身卧安樂。一毫何費養天真。

二月六日送京醞二壺上堯夫

紅櫻零落杏花開。春物相催次第來。莫作林閒獨醒客。任從花笑玉山頹。

和君實端明副酒之什

洛陽花木滿城開。更送東都雙榼來。遂使閒人轉狂亂。奈何紅日又西頹。

謝彥國相公和詩用醉和風雨夜深歸

道堂閒話儘多時。塵外盃觴不浪飛。初上小車人已靜。醉和風雨夜深歸。

歷代大儒詩鈔

卷七

邵子二

三九

采蘭堂

謝君實端明用只將花卉記冬春

有時自問自家身。莫是羲皇已上人。日往月來都不記。只將花卉記冬春。

謝安之少卿用始知安是道梯階

窩名安樂直堪哈。臂痛頭風接續來。恰見安之便安樂。始知安是道梯階。

謝開叔司封用無事無求得最多

客問人閒事若何。堯夫對曰不知佗。居林之下行林下。無事無求得最多。

謝伯淳察院用先生不是打乖人

經綸事業須才者。燮理功夫有巨臣。安樂窩中閒偃仰。焉知不是打乖人。

代書寄廣信李遵度承制

薊北更千里。漢唐爲極邊。奈何今境土。不復舊山川。虎帳兵家重。雕弓嗣子傳。他年勒功處。無使後燕然。

年老逢春十三首

今鈔八首

年老逢春莫猜。老年方自少年回。人情少悅酒不解。天氣卻寒花未開。堤外有風斜送柳。牆陰經雨半生苔。

歷代大儒詩鈔

卷七

邵子二

三

采蘭堂

去年波水東流去。舊派奈何新又來。年老逢春莫厭春。住家況復在天津。既將水竹爲生計。須與風花作主人。故宅廢功除瓦礫。新畦加意種蘭薰。未知去此閒田地。何地更能容此身。

年老逢春始識春。春妍都恐屬閒身。能知青帝功夫大。肯逐後生撩亂頻。酒趁嫩醅嘗格韻。花承曉露看精神。大凡尤物難分付。造化從來不負人。

年老逢春莫厭。春工慎勿致猜嫌。紅芳若得眼前過。白髮任從頭上添。雨後艷花零淚顆。風餘新月露眉尖。

輕醇酒面斟來凸。舉盞長憂不易拈。
年老逢春春莫慳。春慳不當世艱難。四時只有三春好。
一歲都無十日閒。酒盞不煩人訴免。花枝須念雨催殘。
卻愁千片飄零後。多少金能買此歡。

年老逢春興未收。願春慈造少遲留。既稱好事愁花老。
須與多情秉燭遊。酒裏功勞閒汗馬。詩中罪過盡風流。
東君不奈人嘲戲。儂懃花枝惡未休。

年老逢春春不任。不任緣被老來侵。一身老去惡足惜。
滿眼春歸何處尋。紅日墜時風更急。落花流水仍深。

歷代大儒詩鈔

卷七

邵子二

三

采蘭堂

黃鶯不悟芳菲歇。猶向枝頭送好音。

年老逢春認破春。破春不用苦傷神。身心自有安存地。
草木焉能媚惑人。此日榮爲他日瘁。今年陳是去年新。
世間憂喜常相逐。多少酒能平得君。

和堯夫先生年老逢春三首

今鈔二

司馬光

年老逢春春莫哈。朱顏不肯似春回。酒因多病無心
醉。花不解愁隨意開。荒徑倦遊從碧草。空庭慵掃任
蒼苔。相逢談笑猶能在。坐待牽車陌上來。

年老逢春無用驚。對花弄筆眼猶明。不嫌貧舍舊來
燕。喚起醉眠何處鶯。一僕相隨幅巾出。羣童聚看小
車行。人間萬事都捐去。莫遣胸中氣不平。

春日登石閣

滿洛城中將相家。廣栽桃李作生涯。年年三月凭高處。
不見人家只見花。

六十三吟

行年六十有三歲。齒髮雖衰志未衰。恥把精神虛作弄。
肯將才力妄施爲。愁聞刮骨聲音切。悶見吹毛知數卑。

歷代大儒詩鈔

卷七

邵子一

三 采蘭堂

珍重至人嘗有語。落便宜是得便宜。陳希夷先生嘗有是言

崇德久待不至

司馬光

澹日濃雲合復開。碧嵩青洛遠縈回。林端高閣望已
久。花外小車猶未來。

和

君家梁上年時燕。過社今年尙未回。請罰誤君疑佇久。
萬花深處小車來。

天啟夫君八斗才。野人中路必須回。神仙一句難忘處。
花外小車猶未來。

偶書

天生萬物各遂其一。唯人最靈。萬物能并。芝蘭芬芳。麒麟鳳凰。此類之人。鮮有不臧。狼毒冶葛。梟鳩蛇蝎。此類之人。鮮有不孽。臧惟思安。孽惟思殘。日夜無息。相代於前。天無私覆。地無私載。俱能含養。始知廣大。

偶得吟

蛙蟻泥中走。鳳凰雲外飛。雲泥相去遠。自是難相知。

太和湯吟

二位相和就甕頭。一般收口效偏優。同斟祇卻因無事。

歷代大儒詩鈔

卷七

邵子一

三

采蘭堂

獨酌何嘗爲有愁。纔沃便從真宰辟。半醺仍約伏羲遊。人間盡愛醉時好。未到醉時誰肯休。

洗竹

歲寒松柏共經秋。叢剝無端蔽翳稠。遍地冗枝都與去。倚天高幹一齊雷。應龍吟後聲能效。儀鳳來時功可收。未說其佗爲用處。此般風格最難儔。

天意吟

天意無佗只自然。自然之外更無天。不欺誰怕居暗室。絕利須求在一源。未喫力時猶有說。到收功處更何言。

聖人能事人難繼無價明珠止在淵

四道吟

天道有消長地道有險夷人道有興廢物道有盛衰興廢不同世盛衰不同時奈何人當之許多喜與悲

把酒

把酒囑兒男吾今六十三處身雖未至講道固無慙世上榮都謝林閒樂尙貪語其貪一也且免世猜嫌

林下吟

林下一般竒俗人那得知乍圓明月夜纔放好花枝美歷代大儒詩鈔

卷七

邵子二

三

采蘭堂

酒未斟滿佳賓莫放歸世閒優我輩幸有這些兒

懶起吟

半記不記夢覺後似愁無愁情倦時擁衾側卧未欲起簾外落花撩亂飛

何如吟

立身須作真男子臨事無爲淺丈夫料得人生皆素定空多計較竟何如

三惑

老而不歇是一惑安而不樂是二惑閒而不清是三惑

三者之惑自戕賊。

四喜

一喜長年爲壽域。二喜豐年爲樂國。三喜清閒爲福德。四喜安康爲福力。

插花吟

頭上花枝照酒卮。酒卮中有好花枝。身經兩世太平日。眼見四朝全盛時。況復筋骸粗康健。那堪時節正芳菲。酒涵花影紅光溜。爭忍花前不醉歸。

閒居吟

歷代大儒詩鈔

卷七

邵子二

三

采蘭堂

閒居須是洛中居。天下閒居皆莫如。文物四方賢俊地。山川千古帝王都。絕竒花畔持芳醕。最輦草間移小車。只有堯夫負親舊。交親殊不負堯夫。

依韻和張子堅太博

八載相逢恨未平。如何別酒又還傾。雖慙坦率珠多類。卻識清和玉有聲。處世當爲天下士。賞花須是洛陽城。也知今古真男子。造化工夫不易生。

天道吟

天道不難知。人情未易窺。雖聞言語處。更看作爲時。隱

凡功夫大揮。戈事業。卑春秋。賴乘興。出用小車兒。

喜樂吟

一樂生中國。二樂爲男子。三樂爲士人。四樂見太平。五樂聞道義。

一喜多善人。二喜多好事。三喜多美物。四喜多佳景。五喜多大體。

正月二十六日獨步至洛濱偶成二詩呈堯

夫先生

司馬光

拜表歸來抵寺居。解鞍縱馬罷傳呼。紫花金帶盡脫

歷代大儒詩鈔

卷七

邵子二

三美 采蘭堂

去便是林間一野夫。

草輒波晴沙路微。手攜筇竹著深衣。白鷗不信忘機

久見我猶穿岸柳飛。

依韻和君實端明洛濱獨步

冠蓋紛紛塞九衢。聲名相軋在前呼。獨君都不將爲事。始信人間有丈夫。

風背河聲近亦微。斜陽澹泊隔雲衣。一雙白鷺來煙外。將下沙頭又卻飛。

和王中美大卿致政

等侯人間七十年。便如平子賦歸田。知時所得誠多矣。
養志其誰曰不然。況有林泉情悅樂。卻無官守事拘牽。
小車迎日曾馳謁。正直夫君春晝眠。自古有才思奮飛。
夫君何故獨知時。平生懷抱未少屈。盛世掛冠良得宜。
入格柳。揆風細細厭春花。笑日遲遲傳呼震地門前過。
更不令人問是誰。

一室吟

一室可容身。四時長有春。何嘗無美酒。未始絕佳賓。洞

歷代大儒詩鈔

卷七

邵子二

三

采蘭堂

裏賞花者

君實也宅
中有洞

天邊泛月人

君賦也宅
中有樓

相逢應有

語笑我太因循

太平吟

天下太平日。人生安樂時。更逢花爛漫。爭忍不開眉。

安樂窩中吟十四首

今鈔

安樂窩中職分修。分修之外更何求。滿天下土情能接。
遍洛陽園身可遊行。已當行誠盡處。看人莫看力生頭。
因思平地春言語。使我常登百尺樓。

司馬君實有詩云
始知平地上看不

安樂窩中事事無。唯存一卷伏羲書。倦時就枕不必睡。
懼後攜筇任所趨。准備點茶收露水。隄防合藥種魚蘇。
苟非先聖開蒙悋。幾作人閒淺丈夫。

安樂窩中春夢回。略無塵事可裝懷。輕風一霎座中過。
遠樂數聲天外來。日影轉時從杖屨。花陰交處傍罇罍。
人間未若吾鄉好。又況吾鄉多美才。

安樂窩中春不虧。山翁出入小車兒。水邊平轉綠楊岸。
花外就移芳草堤。明快眼看三月景。康強身歷四朝時。
鳳凰樓下天津畔。仰面迎風倒載歸。

歷代大儒詩鈔

卷七

邵子二

三

采蘭堂

安樂窩中三月期。老來纔會惜芳菲。自知一賞有分付。
誰讓萬金無子遺。美酒飲教微醉後。好花看到半開時。
這般意思難名狀。只恐人閒都未知。

安樂窩中甚不貧。中間有榻可容身。儒風一變至於道。
和氣四時長若春。日月作明明主日。人言成信信由人。
唯人與日不相遠。過此何嘗更語真。

安樂窩中設不安。略行湯劑自能痊。居常無病不服藥。
就使有蓄宜俟天理到。昧時須索講情於盡處。更何言。
自餘虛費閒思慮。都可易之爲晝眠。

安樂窩中春欲歸。春歸忍賦送春詩。雖然春老難牽復。
卻有夏初能就移。飲酒莫教成酩酊。賞花慎勿至離披。
人能知得此般事。焉有閒愁到兩眉。
生爲男子偶昌辰。安樂窩中富貴身。大字寫詩誇壯健。
小盃飲酒惜輕醇。山川澄淨初經雨。草木暄妍正遇春。
造化工夫精妙處。都宜分付與閒人。

安樂窩中雖不拘。不拘終不失吾儒。輕浮酒用小盞飲。
豪壯詩將大字書。花木暄妍春雨後。山川澄淨九秋餘。
閒中意思長多少。無忝人閒一丈夫。

歷代大儒詩鈔

卷七

邵子二

三

采蘭堂

奉和安樂窩吟

司馬光

靈臺無事日休休。安樂由來不外求。細雨寒風宜獨
坐。暖天佳景卽閒遊。松篁亦足開青眼。桃李何妨插
白頭。我以著書爲職業。爲君偷暇上高樓。

食梨吟

願君莫愛金花梨。願君須愛紅消梨。金花紅消兩般味。
一般顏色如胭脂。紅消食之甘如飴。金花食之先顰眉。
似此誤人事不少。未食之前宜辨之。

流鶯吟

遷喬固有之。出谷未多時。正嫩簧爲舌。初新金作衣。替
花言灼灼。代柳說依依。柳外晚猶囀。花前曉又啼。啼多
因雨過。囀少爲春歸。莫遣行人聽。行人路正迷。

善賞花吟

人不善賞花。只愛花之貌。人或善賞花。只愛花之妙。花
貌在顏色。顏色人可效。花妙在精神。精神人莫造。

善飲酒吟

人不善飲酒。唯喜飲之多人。或善飲酒。唯喜飲之和飲。
多成醕。醕醕醕。醕醕醕。醕醕醕。醕醕醕。醕醕醕。醕醕醕。

歷代大儒詩鈔

卷七

邵子二

早采蘭堂

省事吟

慮少夢自少。言稀過亦稀。簾垂知日永。柳靜覺風微。但
見花開謝。不聞人是非。何須尋洞府。度歲也應遲。

春水吟

春水淥成波。成波無奈何。難將染他物。止可染輕羅。

春雨吟

春雨細如絲。如絲霏霖時。如何一霧霈。萬物盡熙熙。

誰讓黃金無子遺

箋云白日偏催處。黃金欲盡時。後心都用了。始得一開。

眉。

美酒飲教微醉後

箋云。寶頭噴液處。蓋面起花時。有客來相訪。通名曰伏羲。

這般意思難名狀

箋云。陰陽初感處。天地未分時。言語既難到。丹青何處施。

只恐人間都未知

箋云。酒到醺酣處。花當爛漫時。醺酣歸酪酊。爛漫入離歷代大儒詩鈔

披。

卷七

邵子二

望

采蘭堂

江南

揚州府梅花書院孝廉堂

受業諸子重校

歷代大儒詩鈔卷七

